

Qarasaasiakkut kasinorneq pillugu nalunaarut¹⁾

Aningaasasoorneq pillugu inatsit, tak. inatsisitut nalunaarut nr. 1494, 6. december 2016-imeersumi § 36, imm. 2, § 41, imm. 1 aamma § 60, aamma aningaasarsianik malunnarunnaarsaaneq pillugu inatsimmi, tak. inatsisitut nalunaarut nr. 930, 6. december 2019-imeersumi § 67 aamma § 78, imm. 6 aamma aningaasanoornerit aalajangersimasut pillugit Kalaallit Nunaannut inatsimmi, tak. inatsisitut nalunaarut nr. 336, 7. april 2016-imeersumi § 17, imm. 2, § 19, imm. 1 naapertorlugit aalajangersarneqarpoq:

Kapitali 1

Atorneqarfia

§ 1. Qarasaasiakkut kasinornermik ingerlatsinermut nalunaarut atorneqassaaq, tak. aningaasanoornerit pillugu inatsimmi § 18 aamma aningaasanoornerit aalajangersimasut pillugit Kalaallit Nunaannut inatsimmi § 7.

Imm. 2. Aningaasanoornerit pillugu inatsimmi § 42, imm. 4, aamma aningaasanoornerit aalajangersimasut pillugit Kalaallit Nunaannut inatsimmi § 8, imm. 3 malillugit qarasaasiakkut kasinornermik ingerlatsinissamut akuersissutit nalunaarummut ilaangillat.

Kapitali 2

Aningaasanoortumik nalunaarsuineq

§ 2. Qarasaasiakkut kasinomut peqataassagaanni, peqataasoq akuersissummik peqartumi peqataasutut nalunaarsorneqassaaq, akuersissummik peqartoq tassaavoq qarasaasiakkut kasinortitsinissamut akuersissuteqartoq.

Imm. 2. Taamaallaat inuit peqataasutut nalunaarsorneqarsinnaapput.

Imm. 3. Akuersissummik peqartup peqataasoq imm. 4-6 aamma § 3 malillugit ilisimasaqarfiggissavaa, piunarsaqaatigalugu peqataasup nalunaarsuinerit atatillugu imminut ilisaritinnissaa.

Imm. 4. Akuersissummik peqartup peqataasup kinaassusaa pillugu paasissutissanik piniassaaq, ilanngullugit ateq, najugaq aamma inuup normua, imaluunniit pineqartoq inuup normoqanngippat paasissutissat assigisaat. Paasissutissat pissarsiarineqartut pisariaqartitamik uppersarsaasiinikkut uppersarsarneqassapput. Uppersarsaasiinerup qanoq annertutiginissaa aarlerinaatinik nalilersuinikkut aalajangersarneqassaaq, taamaasilluni peqataasup imminut kinaanerminik taasinerata ilumoornera akuersissummik peqartup qularutigissanagu.

Imm. 5. Peqataasumik nalunaarsuinerup taamaallaat imminut sinnerluni tunngasuunera akuersissummik peqartup piunarsaqaatigissavaa.

Imm. 6. Peqataasup kinaassusianik paasissutissat pissarsianerineqareersimasut naammannerat qularutigineqarpat, kinaassutsimik uppersarsaaneq nutaamik piunarsarineqassaaq.

§ 3. Kinaassutsimik uppersarsaanermik suleriaaseq akuersissummik peqartup peqataasitsinermik pilersitsineranut atatillugu naammassineqassaaq, aamma kingusinnerpaamik siullermik akiliuteqarnera sioqqullugu, taamaattoq tak. § 6.

Kapitali 3

Kinaassutsimik paasissutissanik il. il. uninngatitsineq.

§ 4. Peqataasoq nalunaarsugaasoq pillugu kinaassutsimik nakkutilliinermullu paasissutissat, tak, kapitali 2, peqataasup peqataajunnaarneranit akuersissummik peqartup sivikinnerpaamik ukiuni tallimani uninngasuutigissavai.

Imm. 2. Peqataasup aningaasanik nuussisarneri pillugit uppersaatitut allakkiat nalunaarsuinerillu uninngasuutigin eqassapput, taamaasilluni aningaasunik nuussinerit piviusunngortinneranniit sivikinnerpaamik ukiuni tallimani ataatsimoortumiik ajornaatsumik takuneqarsinnaassallutik.

Imm. 3. Akuersissummik peqartup suliffeqarfia unippat, kinaassutsimik il. il. paasissutissat imm, 1 aamma 2 malillugit suli uninngasuutiguarnissaat kingullerpaamik aqtisuusut isumagissavaat.

Kapitali 4

Aningaasanoornermut konto akiliutillu

§ 5. Aningaasanoortumut nalunaarsugaasumut akuersissummik peqartoq aningaasanoornermut kontomik pilersitsissaaq.

Imm. 2. Aningaasanoornermut kontop qanoq imaqartiginera, aningaasanoorerup qanoq ingerlasimanera (ilanngullugu aningaasanoortutit, eqqukkat annaasallu), akiliutit utertoortullu kiisalu taakkununga atatillugu aningaasanik nuussinerit pillugit paasissutissanik akuersissummik peqartup aningaasanoortoq takunnissinnaatissavaa. Paasissutissat aningaasanoortup aningaasanoornermut kontoani sivikinnerpaamik ulluni 90-ini takuneqarsinnaassapput.

Imm. 3. Akuersissummik peqartoq aningaasanoortumit qinnuigineqarnermigut aningaasanoornermut kontomi aningaasanik nuussinernik imaqartumik takussutissamik tunniussisassaaq.

Imm. 4. Aningaasanoortup iliuuseqarpallaannginnera pillugu akuersissummik peqartoq akiliuteqartitsisassanngilaq.

§ 6. Akuersissummik peqartoq paasissutissanik § 2-mi taaneqartunik nakkutilliinissami tungaanut peqataasumut aningaasanoornermik kontomik utaqqiisaasumik taamaallaat pilersitsisoqarsinnaavoq, taamaattoq tak. imm. 5.

Imm. 2. Aningaasanoortoq nalunaarsuinermut atatillugu paasissutissanik eqqunngitsunik tunniussisimappat, imaluunniit aningaasanoortoq akuersissummik peqartup kaammattuineratigut ullut 30-t qaangiutsinnagit paasissutissat eqqortuunerannik uppersaatitunik pisariaqartitanik nassiussisimanngippat, akuersissummik peqartup aningaasanoornermut utaqqiisaasumik konto matusavaa.

Imm. 3. Aningaasanoornermut utaqqiisaasumik kontomiit aningaasanik aningaasanoortumut tunniussisoqarsinnaanngilaq.

Imm. 4. Aningaasanoortoq aningaasanoornermut utaqqiisaasumik kontomut annerpaamik 10.000 kr.-nik ikisisinnaavoq.

Imm. 5. Aningaasanoortartunut nammineq piimaasutsimik aningaasanoorunnaarsimasutut nalunaarsugaasunut aningaasanoornermut utaqqiisaasumik kontomik pilersitsisoqarsinnaanngilaq, tak, § 24.

§ 7. Aningaasanoornermut kontomut paasissutissat § 2-mi taaneqartut nakkutigineqarfigreersimasaannut isissutissaq digitalimik atsiagaasoq atorlugu pissasoq akuersissummik peqartup qulakkiissavaa, tassani isumannaallisaanermit qaffasissusiliussaq OCES-unu pitsaassusiliussasoq imaluunniit qaffasinnerusoq atorneqassalluni.

Imm. 2. Digitalimik atsiorerup atorneqartup aningaasanoortup § 2 malillugu nalunaarsugaasup ilumut pigineraa akuersissummik peqartup nakkutigissavaa.

Imm. 3. Aningaasanoornermut kontomut piffissami aalajangersimasumi digitalimik atsiorerimik atuinani isersinnaasoqarnissaa aningaasanoornermut oqartussat akuersissutiginnaavaa, imaappat:

1) aningaasanoortoq Kalaallit Nunaanniittoq isertuuppat, imaluunniit

2) teknikkikkut sumiiffigisami aningaasanoorneq ingerlanneqarpat, tassani siusinnerusukku digitalimik atsiorderit atorneqarsinnaasimanatik, taamaattoq aningaasanoornermut kontomut iserneq siulleq teknikkikkut sumiiffigisamit pissaaq, digitalimik atsiorderit atorneqarsinnaaffigisaat.

Imm. 4. Aningaasanoornermut kontomut iserternermut imm. 1 aamma 2 atuutinnngillat, aningaasanoortuq § 2, imm, 4 malillugu inuup normuanik atugaqarani nalunaarsugaasimappat.

Imm. 5. Aningaasanoornermut kontomut digitalimik atsiorderneq atornagu iserternermi, tak. imm. 3 aamma 4, aningaasanoortup kinaassusiata paasinissaa toqqissisimanertumik pissassoq akuersissummik peqartup qulakkiissavaa.

§ 8. Akuersissummik peqartup aningaasanoornermut kontomut akiliutit taamaallaat akiliutit pillugit inatsit malillugu nunami maani inatsisit malillugit akiliutinik sullissinissamut akuerisaasumit ingerlateqqinneqartut tigusinnaavai.

Imm. 2. Aningaasanngorlugit akiliutit tiguneqarsinnaanngillat.

§ 9. Aningaasat aningaasanoortumit akilerneqartut akuersissummik peqartup akiliutinik tigusinerata kinguninngua aningaasanoornermut kontomut ikineqassappiut.

Imm. 2. Eqqukkat aningaasanoornermut kontomut ingerlaannaq ilassutigineqassapput.

§ 10. Akuersissummik peqartup aningaasanik, aningaasanoornermut meqqinik assigisaannilluunniit aningaasanoornermut kontot akornanni nuussineq akuerissanngilaa.

§ 11. Aningaasat aningaasanoortup aningaasanoornermut kontomiititai aningaasaapput paariat, taakku aningaaserivimmi il.il. kontomi akiliuteqarfigisaanngitsumi uninngasuussapput, akuersissummik peqartup nammineq aningaasaataanit aamma akuersissummik peqartup kisimi atorsinnaasaanit immikkoortisimaneqarlutik. Aningaasat kontomeersut taamaallaat aningaasanoortumut tunniunneqarsinnaapput taamaattumillu akuersissummik peqartumut piumasagaatinut matussutit atorneqarsinnaasimanatik, akuersissummik peqartuq akiliisinnaassagaluarpat il,il, aningaasat qularnaveeqquteqassapput.

Imm. 2. Aningaasat kontomi akiliuteqarfigineqartusaanngitsumiittut qaqugukkulluunniit aningaasanoortup aningaasanoornermut kontoaniittut minnerpaamik annertoqatigissavai.

§ 12. §§ 5-11 qarasaasiakku bingornernut tv-kkut neqeroortigineqartunut atuutinnngillat.

Imm. 2. Tv-mik oqarnermi tv silaannakku, kabelikkut qaammataasakkulluunniit aallakaatitsisut pineqarput, taakku aallakaatitassaqaarnissamut aallakaatitsinissamullu akuersissuteqassallutik, imaluunniit Radio- og tv-mævnimi nalunaarsugaasimassallutik.

§ 13. Akuersissummik peqartuq qarasaasiakku tv aqqutigalugu bingortitsinissamik neqeroorteqartuq, taamaallaat akiliutinik, akiliutit pillugit inatsit malillugu inatsisitigut malinnittumik nunami maani neqeroortigineqartunik tigusinnaavoq.

Imm. 2. Aningaasanoornermut konto, tak. § 5, imm. 1, qarasaasiakku bingornernut, tv-kkut aallakaatinneqartunut akiliutinut eqqukkanullu atorneqarsinnaanngilaq.

Kapitali 5

Ningaasanoortumut paasissutissat

§ 14. Paasissutissat tamarmik aningaasanoorneq pillugu inatsimmi imaluunniit aningaasanoorderit aalajangersimasut pillugit Kalaallit Nunaannut inatsimmi kiisalu najoqqutassani taakkununga atasuni aalajangersakkat malillugit akuersissummik peqartup aningaasanoortumut paasissutissiissutigissallugit pisussaafigisai akuersissummik peqartup nittartagaani qallunaatut takuneqarsinnaassapput. Aningaasanoortup akuersissummillu peqartup akornanni attaveqatigiinnerit sinneri tamarmik qallunaatuujusinnaassapput.

Imm. 2. Akuersissummik peqartup aningaasanoornik Kalaallit Nunaanni aningaasanoornernik neqerooruteqarsinnaatitaasup paasissutissat imm. 1-imi taaneqartut qallunaatut kalaallisullu takutissinnaassvai.

§ 15. Akuersissummik peqartup nittartagaani imaluunniit atuisunut takutittagaani imatut ittoqassaaq:

- 1) unuit 18 inorlugit ukiullit aningaasanoornernut usaannginnerat takuneqarsinnaassalluni,
- 2) akisussaassuseqartumik aningaasanoortoqarnissaa, aningaasanoornerullu ajortumik kinguneqarsinnaanera paasissutissiissutigineqassalluni, tamatumani paasissutissat suliarineqarsimassallutik aningaasanoornermik pinngitsuuisinnaanngitsunut katsorsaasarfik,
- 3) aningaasanoornermik pinngitsuuisinnaannginnermik imminut misilinnissamut aqutissat paasissutissiissutigineqassallutik,
- 4) aningaasanoornermik pinngitsuuisinnaanngitsunut danskit katsorsaavii taakkunungalu attaveqarfissatut najugaat pillugit paasissutissiilluni,
- 5) Aningaasanoornernut oqartussat akisussaassusilimmik aningaasanoornissamut ikiuisarfia innersuussutigalugu, aamma
- 6) aningaasanoornernut nammineq piunassutimik peqataasinnaajunnaartutut nalunaarsorneqarnissamut periarfissaq pillugu paasissutissiilluni, tak. § 24.

Imm. 2. Imm. 1-imi paasissutissat akuersissummik peqartup nittartagaani imaluunniit atuisunut takutittagaani nuimallunik inissisimassapput, aamma nittartakkami sumiikkaluaraanniluunniit ingerlaannaq iserfigineqarsinnaassallutik.

Imm. 3. Akuersissummik peqartup nittartagaata imaluunniit atuisunut takutittagaata saqqaani takuneqarsinnaassaaq akuersissummik peqartoq Aningaasanoornernut oqartussanit akuersissuteqartoq taakkunangalu nakkutigineqarluni.

Imm. 4. Aningaasanoornernut oqartussat nittartagaannut iserfissaq paasissutissiissutigineqassaaq.

Imm. 5. Akuersissummik peqartoq Kalaallit Nunaanni aningaasanoortitsinissamut akuerineqartoq paasissutissanik imm. 1-imi taaneqartunik qallunaatut kalaallisullu paasissutissiisaaq, aningaasanoornernillu pinngitsuuisinnaanngitsunut kalaallit katsorsaaviinut attaveqarfissatut najugaat paasissutissiissutigissallugit.

§ 16. Akuersissummik peqartup nittartakkamini imaluunniit takuisunut takutittakkamini Aningaasanoornermut oqartussat ilisarnaasiinermut aqqissuussinerat atussavaa.

Imm. 2. Aningaasanoornermut oqartussat ilisarnaataat akuersissummik peqartup nittartagaata saqqaaniisaaq. Nittartakkap quppernerisa sinnerini ilisarnaat aningaasanoortumit pisariitsumik takuneqarsinnaassaaq.

Imm. 3. Akuersissummik peqartup ilisarnaat kingullermik tamanut saqqummiunneqartoq, Aningaasanoornermut oqartussanit suliarineqartoq qaqugukulluunniit atussavaa. Ilisarnaat ilusiligaanermigut, atsikkutigiiisaaganermigut qalipaatiimigulluunniit akuerineqartigani allanngortinneqassanngilaq.

Imm. 4. Ilisarnaat imatut atorneqassanngilat, isumaqalersitsilluni Aningaasanoornermut oqartussat aqqissuteqataasut imaluunniit aningaasaliisuusut.

Imm. 5. Ilisarnaat akuersissummik peqartup suleqataanit illuatungaasunilluunniit allanit Aningaasanoornermut oqartussanit akuersissuteqanngitsunit atorneqassanngilaq.

§ 17. Akuersissummik peqartup nittartagaani nalunaaqutaqassaaq, tassuunakkut aningaasanoortup piffissaq qanoq sivistigisoq aningaasanoornermut atorsimaneraa takusinnaassallugu, Nalunaaqutaq aningaasanoortumit tamatigu takuneqarsinnaajuassaaq.

§ 18. Akuersissummik peqartup tv aqqutigalugu qarasaasiakkut bingortitsinissamik neqerooruteqartup aamma nittartagaqanngitsup, paasissutissat § 14, imm. 1, oqaaseqatigiinni siullerni aamma § 15, imm. 1 aamma 3-mi taaneqartut aningaasanoortumut allatut iliortuni takutissinnaassavai.

Imm. 2. Akuersissummik peqartup aallakaatitsinermut atatillugu qassinik ukioqartariaqarnermut piumasqaat, tak, § 15, imm. 1, nr. 1, aamma akuersissut nakkutilliinerlu tak. § 15, imm. 3, paasissutissiisutigissavai, kiisalu annertunerusumik paasissutissat §§ 14 aamma 15-imi taaneqartut sumi pissarsianeriaqarsinnaanersut taassallugu.

Imm. 3. § 17 tv aqququtusalugu qarasaasiakkut bingornermut atuutinngillat.

Kapitali 6

Qarasaasiakkut bingorneq

§ 19. Qarasaasiakkut bingortitsinissamik neqeroorummut atatillugu piumasqaatit tulliuuttut eqqortinneqarsimassapput:

- 1) Pinnguaammut pladi sanimut amnullu tallimakkaanik inissaqassaaq aamma 75-inik normoqarluni imaluunniit ilisarnaateqarluni, sanimut amnullu sisamakkaanik inissaqarluni kiisalu 80-inik normoqarluni imaluunniit ilisarnaateqarlu, imaluunniit sanimut pingasunik amnullu qulingiluanik inissaqarluni aamma 90-inik normoqarluni imaluunniit ilisarnaateqarluni.
- 2) Normut ilisarnaatilluunniit makinneqartut ataasiakkaalugit saqqummiunneqartassapput.
- 3) Aningaasanoortoq normunik ilisarnaatinilluunniit makinneqartunik ataavartumik assiinissamut (qalipaatiinissamut periarfissaqassaaq.

Imm. 2. Aningaasanoortup pinnguaammut pladimi normut ilisarnaatilluunniit qanoq tulleriinneqarnerat nammineq aalajangersinnaassanngilaa, tamanna pinnguaammut pladit pioreersut akornanni nammineq toqqaanissaanut ajoqutaassanngilaq.

Imm. 3. Normut ilisarnaatilluunniit makinneqartut minnerpaamik sekundit pingasukkaarlugit saqqummiunneqartarnissaat akuersissummik peqartup qulakkiissavaa.

Imm. 4. Aningaasanoorneq unissaaq pinnguaammut pladi siulleq ulikkaarneqariarpat.

Imm. 5. Pinnguaammut pladinik pisineq tv aqququtigalugu qarasaasiakkut bingorneq kisiat pinnagu siusinnerpaamik pinnguaatip aallartinnissaa 30 minutsinik sioqqullugu pissaaq.

§ 20. Tv aqququtigalugu qarasaasiakkut bingomik neqerootuteqarnermi imaassaaq:

- 1) eqqukkat ataasiakkaat tamarmik nalingat 5.000 kr.-nit annerussanngilaq,
- 2) ullormut tunisat katinerat 100.000 kr.-nit annerussanngilaq,
- 3) aningaasanoortut akiliutaat ullormut 175 kr.-nit anginerussanngilaq, aamma 4) utimut akilikkat procentinngornerat 45-mit anginerussanngilaq.

Kapitali 7

Akisussaassusilimmik aningaasanoorneq

§ 21. Aningaasanoorneq aallartitsinnagu aningaasanoortup akiliutissani killilissavai. Aningaasanoortup akiliutissanut killiussani ullormoortuussanersut, sapaatip akunnikkaartuussanersut imaluunniit qaamatikkaartuussanersut toqqarsinnaavaa, aningaasat akiliutinut killiliussamiittut taamaallaat annerpaaffissai pinnagit akuersissummik peqartumit siumoortumik aalajangigaassanngillaq.

Imm. 2. Aningaasanoortup akiliutinut siusinnerusukkut killiliussatut aalajangikkaminik qaffaaniarnera siusinnerpaamik nalunaaquttap akunneri 24-t qaangiunneranni atuutilersinnaavoq.

§ 22. Akuersissummik peqartup aningaasanoortup aningaasanooriaasia malinnaavigissavaa, pineqartullu aningaasanoornermini ajornartorsiornartumik pissusilersulernissaa pinngitsuuisinnaanngornissaalu pinaveersaartissallugu unitsissallugulu.

Imm. 2. Akuersissummik peqartoq akisussaassusilimmik aningaasanoornissamut suliffiup iluani allaganngortitanik maleruagassaqaassaaq suleriaaseqarlunilu ajornartorsiornartumik aningaasanoorneq pinaveersaartinniarlugu aningaasanoornermillu pinngitsuuisinnaannginneq pinngitsoortinniarlugu,

ilanngullugu aningaasanoortunut ajornartorsiornartumik aningaasanoormik pissusilersuuteqartunut nakkutilliiner-

mut attaveqatigiinnermullu suleriaaseqassaaq, maluginiaanermut allattuinnermullu pisussaaffeqarluni, aningaasanoortut aningaasanoorminni pissusilersuutaat pillugit paasissutissanik uninngatitsisassalluni aningaasanoortullu aarlerinaataannik nalilersuisassalluni.

Imm. 3. Akuersissummik peqartup aningaasanoortup aningaasanoormini pissusilersuutai pillugit paasissutissat aamm aningaasanoortup aarlerinaataanik naliliineq pillugit paasissutissat ukiuni tallimani uninngasuutigissavai.

Imm. 4. Akuersissummik peqartoq aamma sulisunut attuumassuteqartunut ilinniartitaanermut ilitsersuinnermullu anguniagaqassaaq, ajornartorsiornartumik aningaasanoormik pinaveersaartitsiniarluni aamma aningaasanoormik pinngitsuuisinnaannginnermik pinngitsoortitsiniarluni.

Imm. 5. Sulisut aningaasanoortunut attaveqarnermik suliaqartut imaluunniit aningaasanoortut aningaasanoormik pissusilersuutaannik nalilersueqqissaarnermik suliaqartut suliffiup iluani maleruagassanik ilisimatinneqarnissaat akuersissummik oeqartup isumagissavaa.

§ 23. Akuersissummik peqartup suleriaaseq aningaasanoortup akuersissummik peqartumi aningaasanoorminik unitsitsigallarnissamik imaluunniit inaarutaasumik unitsitsivinnissamik qinnuteqarnissaanut periarfissiisoq aningaasanoortumut atugassiisutigissavaa. Aningaasanoortup peqataasinnaajunnaarnissamik qinnuteqarnerata kingorna aningaasanoortup nutaamik aningaasanooqqinnississaa akuersissummik peqartup qulakkiissavaa.

Imm. 2. Peqataasinnaajunnaarallarneq ullunit 30-nit sivikinnerusinnaanngilaq, taamaattoq aningaasanoortoq sivikitsumik nalunaaquttap akunnerinik 24-nik sivilissusilimmik aningaasanoornginnissamik qinnuteqarsinnaassaaq (unikaallanniarluni). Peqataasinnaajunnaarallarnemi aamma sivikitsumik unikaallarnep nalaani aningaasanoortup aningaasanoormut kontoa piffissami tamatumani atorsinnaajunnaarsinneqarallassaaq.

Imm. 3. Aningaasanoortup inaarutaasumik peqataasinnaajunnaarnerata kingunerissavaa akuersissummik peqartup aningaasanoortup aningaasanoormut kontoanik matusinissaa pisisartuuneranillu unitsitsinissaa. Aningaasanoortoq aningaasanoormut kontop matunera kingorna aatsaat ukiup ataatsip qaangiunnerani pisisartutut nalunaarsoqqinneqarsinnaavoq, tak, § 2.

Imm. 4. Aningaasanoortoq akuersissummik peqartup aningaasanoortitsineranut nammineq peqasinnaajunnaarsippat, akuerissummik peqartup aningaasanoortoq danskit katsorsaavianni aningaasanoormik pinngitsuuisinnaannginnermut siunnersorneqarnissamut katsorsarneqarnissamullu neqeroorutitik ilisimatissavaa. Aningaasanoortoq Kalaallit Nunaanneersuulluni pisisartuuppat, akuersissummik peqartup aningaasanoortoq aningaasanoormik ánnngitsuuisinnaannini pillugu Kalaallit Nunaanni katsorsaavimmi siunnersorneqarnissamut katsorsarneqarnissamullu neqeroorutit pillugit ilisimatissavaa.

§ 24. Aningaasanoormut oqartussat aningaasanoortut nammineq piumassutsiminnik akuersissummik peqartuni tamani peqataasinnaajunnaarallartut imaluunniit inaarutaasumik peqataasinnaajunnaarsittut nalunaarsussavaat. Aningaasanoortut Aningaasanoormut oqartussat nittartagaanni nalunaarsuiffimmi nalunaarsorneqarsinnaapput imaluunniit Aningaasanoormut oqartussanut saaffiginnillutik. Aningaasanoortup nalunaarsuiffimmi nalunaarsorneqarnissaq erseqqissumik akuersissutigissavaa.

Imm. 2. Nalunaarsuiffimmi inunnik paasissutissanik suliarinninneq pissaaq Aningaasanoormut oqartussat oqartussatut sulineranni paasissutissanik illersuinnermut peqqussummi artikel 6, imm. 1, naqinneq e tunngavigalugu.

Imm. 3. Aningaasanoormut oqartussat peqataasinnaajunnaarallarnit assigiinngitsut aningaasanoortup toqqarsinnaasaasa sivilissususaat aalajangersinnaavaat.

Imm. 4. Aningaasanoortoq nalunaarsuiffimmi peqataasinnaajunnaarallartutut nalunaarsugaasoq, tak, imm. 1, piffissami peqataasinnaajunnaarallartut toqqakkamini nalunaarsorneqarnerminik piarneqarsinnaanngilaq imaluunniit taassuminnga peqqissimissuteqarsinnaanani.

Imm. 5. Aningaasanoortoq nalunaarsuiffimmi inaarutaasumik peqataasinnaajunnaartutut nalunaarsugaasoq qaqugukkulluunniit, taamaattoq nalunaarsuiffimmi nalunaarsorneqarnermi kingorna siusinnerpaamik ukiup ataatsip qaangiunnerani Aningaasanoornermut oqartussat qinnuigisinnaavai nalunaarsuiffimmit piiarneqaqqulluni. Aningaasanoortup siusinnerpaamik qinnuiginninnermi kingorna ullut arfineq marluk qaangiunneranni kinguinnerpaamillu ullut 30-t qaangiunneranni qinnuteqaatini uppersassavaa piiarneqarnissaq piviusunngorsinnaaqqullugu.

Imm. 6. Aningaasanoortoq nalunaarsuiffimmi 1. januar 2020-mi kingusinnerusukkulluunniit nalunaarsugaasoq piffissami peqaataasinnaangiffigisamini akuersissummik peqartup tunitsivissarsiorneranut peqataajumangitsuvoq.

Imm. 7. Imm. 1-6 aningaasanoortunut § 2, imm. 4 malillugu inuup normoqaratik nalunaarsugaasunut atuutinngillat.

§ 25. Akuersissummik peqartup Aningaasanoornermut oqartussat nittartagaani nammineq piumassutsimik peqataasinnaajunnaartunik nalunaarsuiffimmi nalunaarsorneqarnissamut periarfissaq pillugu aningaasanoortoq paasitissavaat, tak. § 24, nalunaarsuiffimmullu isersinnaaneq ammaassiffigissallugu.

Imm. 2. Aningaasanoortumik nutaamik pilersitsinermi akuersissummik peqartup nalunaarsuiffik misissussavaa, aningaasanoortup pineqartup nalunaarsuiffimmi nalunaarsugaannginnera takuniarlugu, aningaasanoortoq nalunaarsuiffimmi nalunaarsugaasimappat, akuersissummik peqartup aningaasanoortumik pilersitsinissaq itigartitsissutigissavaa.

Imm. 3. Akuersissummik peqartup aningaasanoortup aningaasanoorfimmut isernerani nalunaarsuiffik misissussavaa, aningaasanoortup nalunaarsuiffimmut nalunaarsugaasimanginnera nakkutiginiarlugu. Aningaasanoortoq nalunaarsuiffimmut nalunaarsugaasimappat, aningaasanoortoq aningaasanoornermut itigartitaassaaq.

Imm. 4. Akuersissummik peqartup paasiguniuk aningaasanoortoq inaarutaasumik peqataasinnaangitsutut nalunaarsuiffimmi nalunaarsugaasimasooq, akuersissummik peqartup aningaasanoortup aningaasanoornermut kontoa matussavaa pisisartutullu inissisimanera kipitillugu.

Imm. 5. Akuersissummik peqartup aningaasanoortumut tunitsivissarsiorluni attaveqannginnermini siusinnerpaamik nalunaaquttap akunnerinik 24-nik sioqutsilluni nalunaarsuiffik misissussavaa, aningaasanoortup nalunaarsuiffimmi nalunaarsugaannginnera nakkutiginiarlugu. Aningaasanoortoq nalunaarsuiffimmut nalunaarsugaasimappat, akuersissummik peqartup tunitsivissarsiornermi tassunga nassiutissanngilaa.

Imm. 6. Imm. 1-5 aningaasanoortunut § 2, imm. 4 malillugu inuup normoqaratik pisisartutut nalunaarsugaasunut atuutinngillat.

§ 26. § 21 aamma § 25, imm. 3 aamma 4, qarasaasiakkut bingornermut tv-kkut aallakaatitaasunut atutinngillat.

Imm. 2. Akuersissummik peqartup tv aqqutigalugu qarasaasiakkut bingortitsinissamik neqerooruteqartooq, aallakaatitsinermut atatillugu aningaasanoortumut tulluittunik ilisimatitsissaaq:

- 1) aningaasanoornermut imminut peqataasinnaajunnaarnissamut periarfissaqartooq, tak. § 23, imm. 1, aamma
- 2) Aningaasanoornermut oqartussat nalunaarsuiffik § 24, imm. 1-imi taaneqartooq ingerlakkaat.

Tunitsivissarsiorneq

§ 27. Akuersissummik peqartog iliuuseqassaaq aningaasanoortunut imminnut aningaasanoornernut peqataasinnaajunnaartikkallartunut imaluunniit inaarutaasumik peqataasinnaajunnaarsittunut tunitsivissarsiornermik nassiussinissani pinngitsoortinniarlugu, tak. § 23.

§ 28. Akuersissummik peqartup tunitsivissarsiornermini tulluuttut paasissutissiissutigissavai:

- 1) aningaasanoornermut ukioqqortussutsimik killiliussat,
- 2) Aningaasanoornermut oqartussat akisussaassusilimmik aningaasanoornissamut ikiorsiiviat, aamma
- 3) aningaasanoortut namminneq piumaasutsiminnik peqataasinnaajunnaarsittut nalunaarsuiffianut nalunaarsorneqarnissamut periarfissaq, tak. § 24.

Imm. 2. Akuersissummik peqartup tunitsivissarsiornermini Aningaasanoornermut oqartussat ilisarnaasiinnermut aqqissuussinerat atussavaa. Ilisarnaat ersilluartumiissaq, § 16, imm. 3 aamma 4, assigisaanik atorneqassapput.

Imm. 3. Imm. 1-imi paasissutissat aamma ilisarnaat, tak, imm, 2, assigisaanik akuersissummik peqartup innartagaaniissapput, taanna pineqartup tunitsivissarsiorneranut attuumassuteqassalluni.

Kapitali 9*Iliuutsit tunisanik siuarsaassutaasut*

§ 29. Akuersissummik peqartog aningaasanoorummik neqerooruteqarnerminut atatillugu aningaasanoortumut tunisanik siursaataasumik iliuuseqaruni, piumasaqaatrt tamarmik erseqqivissumik paasissutissiissutigineqassapput neqeroorummut atatillugit. Tunisanik siursaataasumik iliuutsit pillugit isumaqatigiissummik imaaliiallaannaq eqqortitsisoqassaaq piumasaqaatit eqqortinneqariarpata.

Imm. 2. Tunisanik siursaataasumik iliuuseq 1.000 kr.-nit annerusumik naleqassanngilaq, imaluunniit agguaqatigiissillugu naleqassanani. Nalinga piffissami tunisanik siursaataasumik iliuutsip neqeroorutigineqarnerani naatsorsorneqassaaq. Eqqukkat allat aningaasaanngitsut nalingi niuerutigalugu nalinga aallaavigalugu naatsorsorneqassapput.

Imm. 3. Aningaasanoornermut kontomut ikisinissamik piumasaqaat imaluunniit tunisanik siursaaniarluni aningaasanooqqusilluni piumasaqaat, tunisanik siursaaniarluni iliuutsip neqeroorutigineqartup nalingata 100 procenterissavaa, taamaattoq tak. imm. 2.

Imm. 4. Aningaasanoornissamut piumasaqaatit tunisanik siursaaniarnermut iliuutsinut attuumassuteqartut annerpaamik aningaasanoornermut kontomiittut imaluunniit aningaasanoornermi akiliutit annerpaamik quleriaatigissavaat, aningaasat tunniunneqartut ilanngullugit, taamaattoq tak. imm. 5.

Imm. 5. Kommissionik tunngaveqarluni akiliuteqarluni aningaasanoornerni piviusunngortitsinerni piumasaqaatit tunisanik siursaaniarnermik tunngaveqartut annerpaamik kommissionimik akiliutit aningaasanoortumit akilerneqartut affarissavaat.

Imm. 6. Tunisanik siursaaniarluni iliuutsinut atasumik ilassutaasumik eqqukkat tigusinnaassagukkit qasseriaataanik aningaasanoornissannut piumasaqaateqartoqassanngilaq.

Imm. 7. Tunisanik siursaaniarluni iliuutsinut atasumik ilassutaasumik eqqukkat tigusinnaassagukkit qasseriaataanik aningaasanoornisannut piumasaqaateqarpat, assersuutigalugu equuigaanni eqqukkat aningaasanoornermut kontomit tigusinnaalersinnagit nunat allamiut aningaasaat aningaasanoorutaasut atorlugit aningaasat qassit aningaasanoorutigineqartussaanerannut assersuuteqassaaq. Assersuut erseqqissumik paasiuminartumillu neqeroorummut atatillugu paasissutissiissutigineqassaaq.

Imm. 8. Aningaasanoornerit tunisanik siursaaniarluni piumasaqaatit eqqortinniarnernnut atatillugu atorneqarsinnaasut, ilassutaasumik eqqukkat tigusinnaanernnut qasseriaataannik atorneqartariaqarnerannut 100 procentimik matussusiissapput.

Imm. 9. Aningaasanoortoq tunisanik siursaaniarluni iliuutsimit aningaasanik akiliiffigineqarnissamut piumasaqaateqarpat taakku eqqortinnissaannut sivikinnerpaamik ullunik 60-inik piffissaqartitaassaaq.

§ 30. Tunisanik siursaaniarluni iliuutsit aningaasanoortunut ataasiakkaanut tunniunneqassanngillat atugassarititaasunik aningaasanoortunut allanut tunniunneqartunit allaanerusut atorlugit, aningaasanoortunulli, tamanut aningaasanut aningaasaliussat akuttussusilernerannik aalajangigaasut iluini aningaasanoortunut imaluunniit tunngavinnik allanik eqqortitsisunut assigiissumik tunniunneqassallutik. Aningaasaliussanut akuttusilernerannik killiliussat imaluunniit tunngavik alla aalajangersarneqassapput, taamaa- silluni tunisanik siursaaniarluni iliuuseq aningaasanoortunut ikinnerpaamik 100-nut neqeroorutigineqassalluni.

Imm. 2. Aningaasanoortup akuersissummik peqartumi aningaasanuunnginnera tunisanik siursaaniarluni iliuutsit neqeroorutigineranni toqqaanermut tunngavittut atorneqassanngilaq.

Kapitali 10

Aningaasanoornermut kontop atorunnaarsinnera imaluunniit matunera

§ 31. Aningaasanoornermut kontop matuneqarnerani akuersissummik peqartup sapinngisamik sukkanerpaamik aamma matunerata kingorna ullut suliffiusut qaangiunneranni aningaasanoortup aningaasanoornermut kontoani aningaasat sinneruttut aningaasanoortumut akilissavai. Matusinermut akiliisitsissutinik piumasaqaateqartoqarsinnaanngilaq.

Imm. 2. § 6, imm. 2 tunuliaqutaralugu aningaasanoornermut utaqqiisaasumik kontomik matusinermi, taamaallaat aningaasat aningaasanoornermut kontomut ikineqarsimasuni sinneruttut aningaasanoortumut utertillugit akilerneqassapput. Taamaattoqarpat eqqukkat akuersissummik peqartumut tunniunneqassapput.

Imm. 3. Akuersissummik peqartup suliniuteqarneratigut aningaasanoornermut konto matuneqarpat, akuersissummik peqartup aalajangiinnermut tunngavilersuut uppersaatitalik aningaasanoortumut nassiatissavaa, aalajangiinnerup assilineqarnera Aningaasanoornermut Oqartussanut nassiuunneqassaaq.

§ 32. Aningaasanoornermut kontop atorunnaarsinnerani akuersissummik peqartoq piffissap naammaginatup iluani suliami aalajangiissaaq. Piffissami atorunnaarsitsiffiusumi aningaasanoortup aningaasanoornermut kontoni matusinnaanngilaa. Inaarutaasumik aalajangiisoqareerip, aningaasanoortoq aalajangiineq pillugu pissusissamisoorumik ilisimatinneqassaaq.

Imm. 2. Akuersissummik peqartup aalajangiinnermut tunngavilersuut uppersaatitalik aningaasanoortumut nassiatissavaa. Aalajangiinnerup assilineqarnera Aningaasanoornermut Oqartussanut nassiuunneqassaaq.

Kapitali 11

Aningaasanoornermut periutsit

§ 33. Akuersissummik peqartup nakkutilleeriaatsimut aningaasanooriaatsimullu teknikkikkut piumasaqaatit ilanngussaq 1-imiittut malissavai.

§ 34. Aningaasanooriaaseq, tamatumani pineqarlutik IT-kkut atortut, qarasaasiakkut kasinornermik neqerooruteqarnermut atorneqartartut, tak. ilanngussaq 1, nunami maani inissisimassapput.

Imm. 2. Aningaasanoornermut Oqartussat imm,-imi piumasaqaatip avaqunneqarnissaa akuerissutigisinnaavaat, akuersissummik peqartoq imaappat:

1) nunami allami aningaasanoortitsinissamut akuersissuteqarluni, tamatumani pisortat oqartussaasui akuersissummik peqartup aningaasanoornermik neqerooruteqarneranik nakkutilliisuullutik,

nakkutilliisutullu oqartussat taakku Aningaasanoornermut Oqartussanut akuersissummik peqartup nunami maani aningaasanoornermik neqerooruteqarneranik nakkutilliineq pillugu isumaqatigiissuteqarsimallutik, imaluunniit

- 2) Aningaasanoornermut Oqartussat aningaasanooriaatsimik toqqissisimanartumik ungasiannit assigisaanilluunniit nakkutilliinissaannut aqqutissiuussimallugit.

§ 35. Akuersissummik peqartup aningaasanoortitseriaasii, niuernerminik ingerlatsinera aamma niueriaasii qarasaasiakkut kasinomik ingerlatsilersinnagu suliffeqarfimmit misiliisartumit akuerisaasumit akuersissutigineqassapput. Aningaasanoornermut Oqartussat akuersissumut piumasaqaatinik aalajangersaasinnaapput.

Imm. 2. Aningaasanoornermut Oqartussat suliffeqarfiup misiliisartup qanoq akuerineqarnissaanut piunasaqaatinik aalajangersaasinnaapput.

§ 36. Aningaasanoortitseriaaseq akuerissutigineqarpat Aningaasanoornermut Oqartussat qaqugullunniit akuersissumik peqartoq naalakkersinnaavaat periutsumik suli annertunerusumik misileeqqeqqulluni, uppersaqaqullugu aamma akuersissuteqaqullugu.

§ 37. Akuersissummik peqartup qarasaasiakkut kasino pillugu paasissutissat tamaasa sivikinnerpaamik ukiuni tallimani aningaasanooriaatsimiitissavai.

Kapitali 12

Naammagittaalliorneq

§ 38. Akuersissummik peqartup aningaasanoorunik neqeroorutai pillugit aningaasanoortut naammagittaalliutaat akuersissummik peqartup suliarissavai. Naammagittaalliut aningaasanoortup kinaassusaa pillugit paasissutissanik imaqassaaq, kiisalu pissutsit naammagittaalliutigineqartut tunngavilersugaassallutik. Naammagittaalliut itigartitsissutigineqarsinnaavoq piunasaqaatit eqqortinneqarsimangippata.

Imm. 2. Akuerissusummik peqartut naammagittaalliut sapinngisamik sukkanerpaamik suliarissavaa, naammagittaalliut ullut 15-it qaangiutsinnagit aalajaangiivigineqarsimangippat, akuersissummik peqartup aningaasanoortoq ilisimatissavaa, suliap qaqugukkut aalajngiivigineqarnissaa taassuma naat-sorsuutigisinnaaneraa.

Imm. 3. Akuersissummik peqartup uppersaatitut allakkiat, naammagittaalliutitut sulianut akuusut, aamma naammagittaalliutitut itigartitaasunut akuusut sivikinnerpaamik ukiuni marlunni uninngasuutigissavai. Piunasaqarfigineqarnikkut taakku Aningaasanoornermut Oqartussanut nassiunneqassapput.

Kapitali 13

Nakkutilliineq

§ 39. Aningaasanoornertut Oqartussat nalunaarutip matuma malinneqarnera nakkutigissavaat, tak, aningaasanoorneq pillugu inatsimmi kapitali 9 aamma aningaasanoornerit aalajangersimasut pillugit Kalaallit Nunaannut inatsimmi kapitali 6.

Kapitali 14

Pillaatit

§ 40. Inatsisit allat malillugit qaffasinnerusumik pillarneqarnissamut pisuutitaanngikkaanni, inuk piaaraluneerluni imaluunniit sakkortuumik mianersuaalliornermigut § 2, imm. 1, oqaaseqatigiinniik siullernik, aamma imm. 2-6-imik, §§ 3-6-imik. § 7, imm. 1 aamma 2-mik, imm. 3, oqaaseqatigiit aappaannik, aamma imm. 5-imik, §§ 8-11-imik, §§ 13-23-mik, § 25, imm. 1-5-imik, § 26, imm. 2-mik, §§ 27-30-mik, § 31, imm. 1-imik aamma imm. 3-mik, § 32 imm. 2-mik, § 33-mik, § 34, imm. 1-imik, § 35, imm. 1, oqaaseqatigiinnik siullernik, § 37-mik aamma § 38, imm. 1, oqaaseqatigiinnik siullernik imm. 2, oqaaseqatigiit aappaannik kiisalu imm. 3-mik unioqutitsisoq akiliisitaanermik pillarneqassaaq

Imm. 2. Piginneqatigiiffiit il.il. (inatsisitigut pisinnaatitaasut pisussaataasullu) pillaasarnermi inatsimmi kapitali 5-imi maleruagassat malillugit pillarneqarnissamut akisussaataasinnaapput aamma Kalaallit Nunaanni pinerluttulerinermik inatsimmi kapitali 5-imi maleruagassat malillugit pineqaatissinneqarnissamut akisussaatinneqarsinnaallutik.

Imm. 3. Qarasaasiakkut kasinorneq pillugu nalunaarut nr. 773, 9. juni 2017-imeersoq atorunnaarsinneqarpoq.

Imm. 4. § 28 1. april 2020-imiit sunniuteqalerpoq.

11

Kapitali 15

Atuutilerfia

§ 41. Nalunaarut ulloq 1. januar 2020-mit atuutilerpoq.

Skatteministeria, ulloq 29. november 2019

MORTEN BØDSKOV

/ Jeanette Rose Hansen

Ilanngussaq 1**Akuersissummik peqartunut teknikkikkut piumasaqaatit****A. Aallaqaasiut**

Allakkiami matumani teknikkikkut piumasaqaatit, akuersissummik peqartup eqqortitassai allaaserineqarput, ilanngullugit nakkutilliinermut paasissutissat qulakkeerneqarnissaat kiisalu suliffiup iluani nakkutilliinerup, niuernikkut suleriaatsit aaqqissuussaanerullu pisariitsumik takuneqarsinnaanissaannut piumasaqaatit.

B. Naalisaanerit nassuiaatillu

SAFE: Paasissutissanik uninngasuusivik, Aningaasanoornermut Oqartussat nakkutilliinermut atugassamissut piumasaqaataattut akuersissummik peqartup pilersitassaa.

RNG: Random Number Generator (nalaatsornernik pilersitsisartog).

Aningaasa-

nooriaaseq: Atortoq elektronikiusog imaluunniit allatut ittoq, akuersissummik peqartumit imaluunniit taanna sinnerlugu qarasaasiakkut kasinornernik neqerooruteqarnermut ingerlatsinermullu atorpeqartartoq, ilanngullugit atortut imatut ittut:

1. inuk aningaasanoortoq pillugu paasissutissat toqqortarineqarnissaannut atorpeqartartoq, ilanngullugit paasissutissat aamma angusat pillugit paasissutissat piffissap ingerlaneraneersut,
2. aningaasanoortunik aningaasanoortumut pilersitsisartut aamma/imaluunniit saqqummiussisartut, imaluunniit
3. aningaasanoornerup inerneranik aalajangiisuusartut, imaluunniit aningaasanoornermi aningaasanoortup eqquisimaneranik imaluunniit annaasaqarsimaneranik naatsorsuisartut.

SAFE aningaasanooriaatsimut ilaanngilaq.

FTPS: File Transfer Protocol SSL (Allakkianik nussinermut nakkutilliivik).

SSL: Secure Sockets Layer. Isumannaallisaanermut teknologi nalinginnaasoq.

XSD: XML Standard Definition (Naasuiaat nalinginnaasoq).

XML: Extensible Markup Language (maluginiagassanut oqaatsit atorpeqartut (paasissutissanik qarasaasiat akornanni nuussinermut atorpeqartartut)).

C. Aningaasanoornernik nakkutilliinermut atugassatut periutsit ataatsimoortut

Ataatsimoortumik periutsit imaraat akuersissummik peqartup aningaasanoortitseriaasia, akuersissummik peqartup paasissutissanik uninngasuusivia (SAFE), nakkutilliinermut periusiq (Tamper Token) kiisalu aningaasanoortunik namminneq piumassutsiminnik peqataajunnaarsittunik nalunaarsuiffik (ROFUS).

1. SAFE tassaavoq akuersissummik peqartup nammineq paasissutissaatiminik uninngasuusivia, (allagaatinik toqqortuiffik) tassani akuersissummik peqartup aningaasanoornermut paasissutissat uninngasuutigissavai – Standard Records malillugu – aningaasanoornernut tamanut akuersissummik peqartumi ingerlanneqarsimasunut. Akuersissummik peqartut tamarmik paasissutissanik uninngasuusuvimmik pilersitsissapput (SAFE). Aningaasanoornermut Oqartussat akuersissummik peqartumi paasissutissanik uninngasuusivimmut qarasaasiakkut isersinnaassapput.

2. Tamper Token. Aningaasanoornermut Oqartussat isumannaallisaanermut periuseq atuuttungortissavaat, taanna Tamper Tokenimut atorneqassaaq. Tamper Tokenip siunertaraa aningaasanoornermik paasissutissat, akuersissummik peqartup Standard Recordinngorlugit SAFE-mut toqqorsimasaasa

SAFE-mi uninngasuutigineqarnerminni allanngortinneqannginnissaasa qulakkeerneqarnissaa. Aningaasanoornermut Oqartussat toqqortuiffimmik serverimik tokensinik tunniussinernut, ullut tamaasa akuersissummik peqartunut tunniunneqartartunut atorneqartussaq ikkutissavaat. Frekvensia aalajangersimasumik nalileereernikkut naleqqussarneqarsinnaavoq. Akuersissummik peqartup qarasaasiakkut naalakkiut atortussanngortissavaa, tassuuna Aningaasanoornermut Oqartussat aningaasanoornermik paasissutissat toqqortarineqartutaamma token tunniunneqarsimasoq aallaavigalugit kinaassutsimik ilisarnaatip aallartinnissaanut Aningaasanoornermut Oqartussat erseqqissaatigisimasaat malinneqassallutik. Kinaassutsimik ilisarnaat tokenip atuuttup qaangiutinnginnerani Aningaasanoornermut Oqartussanut utimut nalunaarutigineqassaaq. Akuersissummik peqartup Tamper Tokenimik periutsimut attaveqarnera web-imik sullissivik aqutigalugu pissaaq.

Tamatuma saniatigut Aningaasanoornermut Oqartussani Tamper Token tulliuuttunik passussisarpoq:

- Kinaassutsimik ilisarnaatit naatsorsorneranni atorneqartartunik oqaatsinik paasinnissutissanik (tokensinik) pilersitsineq.
- Kinaassutsimik ilisarnaatinik kingorna nakkutilliinermut atorneqartussanik uninngatitsineq.
- Tokensit malinneqarnissaannut piffissaliussap naammassineranik ataavartumik nakkutilliineq.
- Aningaasanoornermut paasissutissat tulleriat aaneqarsimasut kinaassutsimik ilisarnaammut tiguneqarsimasumut naleqqiullugit allanngortinneqarsimannginnerannik uppernarsaneq.

Tokenimik nutaamik tunniussinermut atatillugu tokenimut frekvensip allanngortitsinneranut akuersissummik peqartup passussisinnaanera piumasaqaataavoq.

3. Aningaasanoortunik namminneq piumassutsiminnik peqataajunnaartunik nalunaarsuiffik (ROFUS) tassaavoq Danmarkimi aningaasanoortunik namminneq piumassutsiminnik – utaqqiisaasumik imaluunniit inaarutaasumik – Danmarkimi aningaasanoornermit peqataajunnaartunik nalunaarsuiffik. Nalunaarsuiffik Aningaasanoornermut Oqartussani, nalunaarsuiffimmik ingerlatsinissamat akisussaasuni inissisimavoq. Akuersissummik peqartut nalunaarsuiffimmut attaveqarput, aningaasanoortullu imminnut nalunaarsortittut akuersissummik peqartut namminneq aningaasanooriaasertik aqutigalugu aningaasanoorsinnaannginnissaat qulakkeertussaavaat. Akuersissummik peqartut ROFUS-imik periutsimut attaveqarnera web-ikkut sullissivik aqutigalugu pisarpoq.

Akuersissummik peqartup Tamper Tokenimi aamma ROFUS-imi kukkunerit pillugit Aningaasanoornermut Oqartussat sukkanerpaamik ilisimatissavai.

D. Aningaasanoornermut paasissutissanut piumasaqaatit (Standard Records)

Akuersissummik peqartup aningaasanoornermut paasissutissat SAFE-mut XML-filinngorlugit toqqortassavai, immikkoortukkuutaarlugit aamma frekvensimik taasilluni Aningaasanoornermut Oqartussat tamanut saqqummiussassaannik. Immikkoortuutaarinerit tulliuuttut atorneqassapput:

- EndOfDay
- PokerTurnering
- PokerCashGame
- Kasinospil
- Jackpot

Aningaasanooriaatsinut qulaani immikkoortiterinerit avataaniittunut, Aningaasanoornermut Oqartussanut isumaqatigiissutigineqassaaq aningaasanoornernut paasissutissat SAFE-mut qanoq toqqorneqassanersut. Tamanna piviusunngortinneqassaaq aningaasanoornernik neqerooruteqartigani.

Aningaasanoornernut Oqartussat aningaasanoornernut paasissutissat SAFE-mut nassiunneranni formatip nassitsissutigineqartussap teknikkikkut allaaserinera tamanut saqqummiutissavaat (Standard Records). Teknikkikkut allaaserinninneq suut pineqarnerannik ilusiliussamik aamma immikkoortiterinerit

nassuiaataannik imaqassaaq. XDS.imik filit, aningaasanoornermut paasissutissat SAFE-mut toqqorneqarneranni aaqqissugaanerat malinneqartussaasoq teknikkikkut allaaserinninnermut ilaapput.

E. SAFE-mut piumasaqaatit

E. 1 Akuersissummik peqartup paasissutissanik uninngasuusivia

Akuersissummik peqartop paasissutissanik uninngasuusivimmik pilersitsissaa (SAFE) aningaasanoornermut paasissutissat inissinneqarfigisassaannik.

Akuersissummik peqartup aningaasanoornernut paasissutissat paasissutissanik uninngasuusivimmi Standard Records malillugit nuuttassavi toqqortassallugillu. Akuersissummik peqartup qaammatini kingullerni aqqaneq marlunni aningaasanoornermut paasissutissat uninngasuutigissavai, kiisalu aningaasanoornernut paasissutissat suli qaammatini 48-neersut tusagassiummi digitalimik atuarneqarsinnaasumi uninngasuutigissallugit.

Akuersissummik peqartup SAFE-aniit aamma Aningaasanoornernut Oqartussat nakkutilliinermut periusaanut paasissutissanik nuussineq internetti FTPS-ertalik aamma minnerpaamik sekundimut 8 Mbit-inik sukkassusilik atorlugu pissaaq. Aningaasanoornernut paasissutissanik ajornartorsiutitaqanngitsumik nuussinissamut attaveqaatip naleqquttuunissaa akuersissummik peqartup qulakkiissavaa.

E. 1.1 SAFE-mut teknikkikkut pumasaqaatit

- SAFE paasissutissanik toqqorsivimmi serverimi immikkuullurissumi, akuersissummik peqartup aningaasanoornermut periusaanit pivisumik immikkoorfigisaani pilersinneqassaaq.
- SAFE-mi aningaasanoornermut paasissutissat paasissutissaasinnasunit allanit pivisumik illersorneqarsinnaasumillu immikkoortisimaneqassapput.
- Akuersissummik peqartup aningaasanoornermut paasissutissat pisariaqartut tamaasa backup-erlugit toqqortassavai. SAFE aamma SAFE-imik backup sumiiffimmini immikkoortisimassapput. Taamatuttaaq paasissutissanik tusagassiummi digitalimik atuarneqarsinnaasumi uninngasuuteqaraanni, taakku backup-erfiat aamma sumiiffii immikkoortisimassapput.
- SAFE paasissutissanik uninngasuusivittut atorneqalersinnani, qarasaasiakkut kasinorneq pillugu nalunaarut malillugu minnerpaamik akuersissummik peqartup aningaasanoortitseriaasiata qaffaseqataanik it-mi isumannaallisaanermut piumasaqaatinik eqqortitsisimassaaq.
- Aningaasanoornermut Oqartussat SAFE-mit aningaasanoornermut paasissutissanik qarasaasiakkut aallersinnaanissaat akuersissummik peqartup qulakkiissavaa.
- SAFE-mut isumannaatsumik isersinnaanissaq (FTPS) akuersissummik peqartup pilersissavaa.
- SAFE-mi mappikkuutaaraluni aaqissuusineq, Aningaasanoornermut Oqartussat aaqqissuussinissatut erseqqissaatigisimasaat malillugu suliarineqassaaq, tak. »SAFE-mi mappikkuutaaraluni aaqqissuussineq aamma Standard Recordsinik atsiineq«-mi immikkoortoq E. 3.
- SAFE-mi aningaasanoornermut paasissutissat Standard Recordsimi erseqqissaatigineqartut malillugu toqqortarineqassapput, tak. »Aningaasanoornermut paasissutissanut piumasaqaatit (Standard Records)«-imi immikkoortoq D.
- SAFE-p piumasaqaatinik taaneqartunik eqqortitsinera akuersissummik peqartup uppersassavaa.
- Akuersissummik peqartup SAFE-mik ingerlatsinermut uppersassaat suliarissavaa, ilanngullugit pisariaqartitamik ingerlatsinermut avatangiiseqarneq, ingerlatsinermut suleriaaseqarnerit, backup-imut periuseq kukkunernillu passussisarneq.
- Uppersassaatit tamarmik danskisut tunngiunneqassapput. Taamaattoq teknikkikkut erseqqissaanit nalinginnaasut tuluttut tunniunneqarsinnaapput.
- Uppersassaatit apeqquteqarnikkut elektronik atorlugu Aningaasanoornermut Oqartussanut pissarsiarineqarsinnaasunngortinneqassapput, (assersutigalugu mailikkut, USB-stikikkut, CD-

romikkut, DVD-kkut) tamannalu pissalluni kingusinaarnertaqanngitsumik, ullullu suliffiusut marluk qaanginnisaannassallugit.

- Uppernarsaatit tamarmik formati Aningaasanoornermut Oqartussanit passuuneqarsinnaasoq, aamma Microsoft Office imaluunniit Adobe Reader atorlugit atuarneqarsinnaasoq atorlugit tunniunneqassapput.
- Uppernarsaatit ataavartumik naleqqussarneqartassapput, minnerpaamillu nutaanik saqqummersitsinerit tamaasa. Nutaanik saqqummersitsinerni ataasiakkaani tamani uppernarsaatit nutartikkat ingiaqataatinneqassapput, taakkunani nutaanik saqqummersitsinernut tunngaviusoq aallaaserineqartassalluni.
- SAFE-p qaammammut ataatsimut iserfigiuminassusia:

Iserfigiuminassusia	98,50 pct.
Incident qisuariarnissamut piffissaq	1 time qaangiutsinnagu, ataasinngorneq – tallimanngorneq, piffissami nal. 08.00-imiit – 17.00-imut (danskit nalunaaqutaat malillugu).
Akinissamut piffissaq	Isernermut agguaqatigiissillugu akiffissaq 10 sekundinit sivikinnerusaaq.

- SAFE sullissinermit iservissat:

Iserfissap suunera	Sullissinermit iserfissaq	Sivissusaa	Piffissaliusaaq – sullissinermit iserfissamik atorluaaneq
Standard changes, patchning, il.il.	Piffissami ataasinngornermiit tallimanngornermut ullup unnuallu ingerlanerani ataasiarluni nal. 17:00-imiit – 06:00-imut aamma arfininngornermi sapaammilu nal. 00:00-imiit – 23:59-imut	120 min	Ullut suliffiusut tallimat piffissaliullugit
Naleqqussaane rit anginerusut	Qaammammut 0-immiit 4-riarluni piffissami arfininngornermi 00:00-imiit ataasinngornermi 05:00-imut	20 timer	Ullut suliffiusut 10 piffissaliullugit

Avatangiisinik, sanaartukkanik sullissinernillu allannguinerit	Umiumut 4-riarluni piffissami arfinngornermi 00:00-imiit ataasinngornermi 05:00-imut	24 timer	Ullut suliffiusut 15 piffissaliullugit
Isornartunik tuaviortumik naleqqussaanerit	Isumaqatigiissutigineqassapput	Isumaqatuguussutigineqassapput	Suliaq aallartinneqartinnaagu

- Incidents (pisoqarneri):

Incidentip qanoq ittuunera:	Piffissap iluani aaqinneqassaaq
Incidentit 95,5 procentii piffissamut killiliussat iluini aaqinneqartarput; taakku ataani taaneqarput. Qaammammoortumik nalilerneqartarput. Incidentit sinneri immikkut piffissaliussaq isumaqatigiissutigineqassaaq.	
Tuaviortoq (unitsitsisuummat)	Nalunaaquttap akunneri 6
Akunnattoq (pisariusumik work-around atuuppoq)	Ullut suliffiusut 2
Nalinginnaasoq (siunertamut naapertuutinngitsoq, workaroudimik minnerusumik pisariaqartitsiviusoq)	Ullut suliffiusut 4

- Akuersissummik peqartoq Angingaasanoornermut Oqartussat incidentinik nalunaaruteqariaasiat aqutigalugu incidentit pillugit nalunaarusiortassaaq. Tamanna pillugu piumasaqaatit ilisimatitsissutillu Aningaasanoornermut Oqartussat nittartagaatigut tamanut saqqummiunneqarumaarput.
- Akuersissummik peqartoq SAFE-p ingerlanneqarneranut akisussaasuvoq.

SAFE tikinneqarsinnaanngippat, aningaasanoornermut paasissutissat piffissap tikinneqarsinnaanngiffiata qaangiunnerani aningaasanoornermut paasissutissat katersorneqassapput SAFE-mullu toqqorneqarlutik.

E. 2 Aningaasanoornermut paasissutissat aningaasanooriaatsimit SAFE-mut nuunneqartarnerat

Akuersissummik peqartup SAFE-mi aningaasanoornermut paasissutissat Standard Records (paasissutissat aqqissugaanerat pillugu paasissutissiineq) naapertorlugu nuuttassavai toqqortasallugillu. Akuersissummik peqartoq paasissutissanik nuussinermut akisussaasuvoq suliarinnittussaallunilu tamatuminngalu qulakkeerinnittussaalluni.

Aningaasanoornermut Oqartussat pisariaqartitsinernik naapertorlugu aningaasanoornermut paasissutissanik nakkutilliinermut atugassaminnik SAFE-miit namminneq paasissutissanik uninngasuusivimminnut nuussinnaassapput. Nuussineq internet FTPS-italik aqutigalugu pissaaq, paasissutissallu naleqassusiat Tamper Token atorlugu nakkutigineqassalluni.

E. 3 SAFE-mi mappit aaqqissugaanerat aamma Standard Records-inik atilersuineq

Akuersissummik peqartup SAFE-mi mappit aaqqissugaanerat Standard Recordsillu aaqqissuussineq tulliuuttoq aallaavigalugu pilersikkiartuaassavaa:

Qaffasissuseq 1: Mappi avalleq atserneqassaaq »Mappersakkap aaqqissugaanera-aningaasanooriaaseq«.

Qaffasissuseq 2: Mappi atserneqassaaq »Zip«.

Qaffasissuseq 3: Ullunut ataasiakkaanut tamanut mappiliortoqassaaq, ullua malillugu imatut atserneqartunik YYYY-MM-DD (YYYY – ukioq, MM – qaammat, DD – ulloq).

Qaffasissuseq 4: Tassunga zip-filit inissinneqassapput, tamarmik ataasiakkaarlutik immikkut tokenimut ataatsimut attuumassuteqarlutik. Tamatuma saniatigut tokeninut suli matuneqarsimangitsunut mappeqassaaq. Mappi suli matuneqanngitsoq atserneqassaaq »SpilCertifikatIdentifikation-TamperTokenID«. Zip-fili mappimik imaqartoq atserneqassaaq »SpilCertifikatIdentifikation-TamperTokenID.zip«. SpilCertifikatIdentifikation tassaavoq akuersissummik peqartup kinaassusianik paasinnissutaasoq asseqanngitsoq, taanna Aningaasanoornermut Oqartussanit tunniussaasarpog. TamperTokenID tassaavoq Tamper Tokenit ataasiakkaat kinaassusaannik paasinnissutaasoq asseqanngitsoq.

Qaffasissuseq 5: Zip-filit ataasiakkaat tamaasa imarisaat malillugit mappinik pilersitsisoqassaaq. Atsersorneqassapput assersuutigalugu »EndOfDay«, »Jackpot«, »KasinoSpil«, »PokerCashGames« aamma »PokerTurnering«.

Qaffasissuseq 6: Ullunut attuumassuteqartunut mappinik pilersitsisoqassaaq, ullua malillugit atsersorneqartunik YYYY-MM-DD. Standard Records ataasiakkaat qaffasissutsimi tassani imaluunniit qaffasissutsimi 7-imi inissinneqassapput, mappersakkami piffissami filip pilersinneqarfianut naleqquttumi inissinneqarlutik.

Qaffasissuseq 7: [Nammineq toqqarneqarsinnaasoq] Mappinik alliunerusunik taasaqartoqarsinnaavoq piffissakkuutaaraluni atserneqartunik HH. MM- HH. MM.

Aningaasanooriaatsinut allanut naleqqiullugu filit mappersakkanut naammassiffissaattut naatsorsuutigineqartunut inissinneqassapput. Mappinik aamma Standard Recordsinik atsersuinermit Aningaasanoornermut Oqartussat erseqqissaataat malinneqassapput.

Aningaasanoornermut paasissutissat mappit aaqqissugaaneranni taaneqartutut ataavartumik zipperneqartassapput, Tamper Tokenillu ilisarnaataanut ataasiakkaanut tamanut pilersitsisoqartassalluni. Zip filit ataasiakkaat tamarmik aningaasanoornermut paasissutissanik taakkorpiaasunik Tamper Tokenip ilisarnaataanut poortorneqarfigisaminniittunik imaqartassallutik.

F. Akuersissuteqarnermut piumasaqaatit malinneqarnerisa ataavartumik nakkutigineqarnerat

F. 1 Aningaasanoornermut paasissutissanik piniarneq

Akuersissummik peqartoq kaammattorneqarnermigut aningaasanoornermut paasissutissat toqqortarineqartut tusagassiummi digisalimik atuarneqarsinnaasut Aningaasanoornermut Oqartussanut ullut suliffiusut tallimat qaangiutsinnagit tunniussinnaassavai, tak. immikkoortoq E. 1.

F. 2 Paasissutissanik allanik piniarneq

Aningaasanoornermut paasissutissat immikkoortoq E.-imi taaneqartut saniatigut akuersissummik peqartup paasissutissat nammineq aningaasanoortitseriaatsimineersoq taamaattoqarpallu periutsit taakkununga attuumassuteqartut saqqummiussinnaassavai, ilanngullugit:

- Aningaasanoornerit akineqarsinnaasut pillugit paasissutissat, assersuutigalugu pokerimi nallukattat aningaasanoorutaasut. Qarasaasiakkuat attaveqaatit aqutugalugit aningaasanoorneq apeqqutaatinnagu, tamatumani aningaasanoornermik neqerooruteqartunit arlalinnit arlallit aningaasanoortoqarpata,

Aningaasanoornermut Oqartussat piumasaqaatigisinnaavaat aningaasanoornermut peqataasut tamaasa pillugit paasissutissat tunniunneqassasut.

- Aningaasanoornermut kontot pillugit paasissutissat.
Naatsorsueqqissaarnikkut paasissutissat.
- Akuersissummik peqartup aningaasanoortitseriaasiani nalunaarsukkanit tigulaakkat.

Paasissutissat tamakku Aningaasanoornermut Oqartussanut ullut suliffiusut tallimat qaangiutsinnagit tunniunneqassapput.

G. Akuersissummik peqartup nakkutilliinerinut, niuersiaasianut aaqqissuussaananullu piumasaqaatit

Akuersissummik peqartup nalunaarummi piumasaqaatit atuuttut akuersissummik peqartumit aamma taassuma suleqataanit tamatigut eqqortinneqartuarnersut uppersarsarlugu suliarisassavaa, ataavartumillu nakkutigisassallugit. Taakku minnerpaamik tulliuttunik imaqaassapput:

- Ullut tamaasa nakkutilliineq, sulisunit aqutsisunillu suliarineqartoq (sapiingisamik annerpaamik niueriaatsimut periutsinullu akuusunngorlugu suliarineqartoq).
- Piffissakkuutaarisumik aamma misiligutinik tigusisaluni suliffiup iluani tulleriinnilersorluagaasumik pitsaassutsimik misissuineq.
- Suliffiup avataani tulleriinnilersorluagaasumik pitsaassutsimik misissuineq, piumasaqaatit atuuttut malinneqarnerat naammaginatsumik qaffasissusilimmik uppersarsarneqarnissaa tamatumunnga pisariaqartinneqaraangat.
- Nakkutilliinerimik inernernik suliarinninneq taakkuninngalu toqqorsineq.
- Akuersissummik peqartumi namminermi imaluunniit taassuma suleqataani kukkunernik imaluunniit unioqqutitsinernik paasisaqartoqartillugu, kiisalu kukkunernik imaluunniit unioqqutitsinernik pasitsaassaartoqartillugu erninnaarluinnartumik Aningaasanoornermut Oqartussanut nalunaaruteqartarnissaq. Kukkunerup imaluunniit unioqqutitsinerup kingunerinik akuersissummik peqartup naliliinera nalunaaruteqarnermut ilaassaaq.
- Akuersissummik peqartup suleriaatsinik attuumassuteqartunik suliarinninnissaq, taakkunangga uppersarsaanissaq malinninnissarlu akisussaaffigaa, taakkunatigut akuersissummik peqartup aamma taamaattoqarpat taassuma suleqatigisaasa nalunaarummi piumasaqaatinik atuuttunik tamatigut eqqortitsiarnissaat tapersorsorneqassammat qulakkeerneqarlunilu. Suleriaatsinut minnerpaamik tulliuttut ilaassapput:
- Akuersissummik peqartup aningaasanooriaatsimi tamarmiusumi atortut sannaanik tamanik aamma paasissutissanik nassitsinernik tamanik nakkutilliisoqarnissaa qulakkiissavaa, ilanngullugit paasissutissat nassiuinnerinut aqqutit, paasissutissanik ataatsimoortunik qarasaasiakkut nassiuussinernut aqqutit, SAFE, RNG, aningaasanooriaatsit nakkutigineqarnerat (aamma taamaattoqarpat pingajuulluni peqatit akusumi atortut sannaanik aamma paasissutissanik nassiuussinerit), taamatut iliornikkut tatigginassusii pissarsiariuminassusiilu qulakkeerniarlugit.
- Akuersissummik peqartup paasissutissanik annaasaqarnissaq pinngitsoortinniarlugu backup-imik pilersitseqqinnermillu suleriaatsit qulakkiissavai.
- Akuersissummik peqartup ISO 27001 naapertorlugu isumannaatsumik aalajaatsumillu ingerlatsinissamut aserfallatsaaliuineq isumannaallisaanermullu suleriaatsit qulakkiissavai.

Akuersissummik peqartoq siunertamut naapertuuttumik aaqqissuussaasimassaaq tunisassiamilu aningaasanoorneq pillugu inatsimmi siunertaasumut naapertuuttumik kiisalu Aningaasanoornermut Oqartussat piumasaqaataannut naapertuuttumik neqeroorutiginnissannut naammattunik sulisoqassalluni.

Suliassanut sulisoqarnermullu attuumassuteqartunik piumasaqaatit akuersissummik tunniussinissamut inatsimmi piumasaqaatit saniatigut, akuersissummik peqartup minnerpaamik aaqqissuussaananikkut suliassat tulliuttut pilersissavai:

- Aningaasanoornermut qarasaasiakkut programminut aningaasanoornermullu ingerlatsinermit akisussaasoq, ilanngullugit aningaasanoorfiit tamarmik eqqortumik tatiginartumillu kiisalu kukkuneqanngitsumik peqqusersusaarnertaqanngitsumik akuersissummik peqartumi taamaattoqarpallu suleqatigisami pilersikkiartorneqarnissaammit ingerlanneqarnissaannullu qulakkeerinninnissaq.
- IT-kkut isumannaatsuunissamut akisussaasoq, ilanngullugit IT-mut qarasaasiat, programmit kiisalu attaveqaatit tamarmik qanorluunniit ittuugunik qulakkeerneqarnissaat, taakku akuersissummik peqartumit (aamma akuersissummik peqartup taamaattoqarpat suleqatigisaanit atorneqartarpata) ingerlatsinermit isumannaallisaanikkut illersorneqarsinnaasumik ingerlanissaat.
- Systeminik allannguinerit akisussaasoq, tak. Aningaasanoornermut Oqartussat systeminik allannguinerit aqunneqarnissaannut programmiat.
- Aningaasaqarnermut akisussaasoq, ilanngullugit Akileraartarnermut Ingerlatsiviup aningaasanoornermit isertitanit ilanngaataqanngitsunit tamatigut eqqortunik pissarsiassaminnik tiguisarnissaat.

Akuersissummik peqartup kiap akisussaaffeqarfinnut akisussaasuunera Aningaasanoornermut Oqartussanut nalunaarutigisassavaa.

Inuit akisussaasuusut pisariaqartitanik suliamut akisussaataitanermullu suliassatik isumagisinnaajumallugit pisariaqartitanik piginnaasaqassapput misilittagaqarlutillu. Akuersissummik peqartup qulakkiissavaa inuit iliutsinik pilersitsinissamut piginnaatitaanissaat, kiisalu akuersissummik peqartup puiumasaqaatinik eqqortitsinissaanut qulakkeerinninnissamut allannguutit pisariaqartinneqartut piviusunngortissinnaassallugit.

Nakkutilliinermit atatillugu inuit akisussaasut toqqaannartumik attaveqaataassapput. Taamaattumik inuit pineqartut paasissutissat uppersaatillu Aningaasanoornermut Oqartussat suliaqarfimminnut tunngasut piumasarisinnaasaat tamatigut pissarsiarisinnaassavaat nassuiaatigisinnaassallugillu.